



日涉編

黃裳跡藏
希書印記

楚應城陳

皆升也甫編輯

邑人徐養量叔弘甫校刻

周治隆龐父甫

何呈瑞穆之甫

陳時育茂之甫

孫陳道統繼之甫全閱

十一月

十一月建子子孳也言陽氣至此更孳生也

合璧
事類

黃鍾子之氣也十一月建焉禮周

日在斗昏東璧中旦軫中禮記

仲冬日出於辰入於申尚書考靈曜

日月會於星紀而斗建子之辰月令

招搖指子淮南子

天以為正周以為春後陳寵傳

仲冬行春令則蟲敗民疾行夏令則霧冥雷發行

秋令則國有大兵呂氏春秋

為辜爾雅

月曰暢月民人空間無所事作故曰暢月月月令

晉魏間宮中以紅線量日影冬至後日添長一線

歲時記

唐宮中以女功揆日之長短冬至後比常日增一

線文昌雜錄

天裂於天漢之旁順帝至正巳丑年元史

夜日出高三丈中有赤青珥晉元帝大興元年詔曰天災譴誠所以彰

朕之不德群公卿士各上封事具陳得失無所諱出晉書

日食星晝見宋文帝元嘉五年十一月

壽星臨帝座

康節云嘉祐八年冬十一月京師有道人卜於市貌古不與常類飲酒無

算未嘗覺醉人異之近侍達帝引見賜酒一石飲及七斗次日司天臺奏壽星臨帝座仁宗時天下

熙熙無物不春宜壽星遊戲人間

河陰有赤雪二頃

晉武帝太康七年十一月赤雪後帝崩王宮遂亂出宋書

大雪盈三尺不止天地晦冥或雪未下時陰雲中

有雪絲長數寸墜地

欽宗靖康元年閏十一月宋史五行志

紛霧如雪

大曆二年十一月舊唐書

昏霧四塞經三日乃止

景龍三年十一月占曰霧連日不解其國昏亂白孔

帖六

陰霧凝凍封樹木不解

永徽二年十一月劉向以

有害則陰氣脅木先寒故得雨而冰也亦謂之樹介介者兵象也五行志

秦州神亭治北霧開如日初耀中有白鹿白狼見

調露元年十一月白孔六帖

永安村大風雪夜半若數千人行聲語笑歌哭雜

擾凝寒陰黑咫尺莫辨及旦有人馬鳥獸蹄迹流

血汚染十餘里入山乃絕

紹興二十年十一月永安村在建昌軍新城縣

五行志

大風雷雨居民瓦屋皆動

咸淳四年閏十一月宋史

雨雹殺人者方圓二尺

高祖承明二年十一月魏書

雨火有聲如鼓

威烈王三年十一月晉有火下于北方通考

雨土

元豐二年十一月五年亦雨土宋史

行都雨木

紹興五年十一月與唐貞元陳留雨木同占吏部侍郎彭龜年上疏論韓侂胄

擅朝誤國宋史

地生毛

紹熙四年十一月宋史

黃河是月水名蹙凌水

水衡記

洛陽宮西宜秋里忽地生石高三尺如香爐形

武帝

太康十年十一月地生石明宮車宴駕晉書

京都地震後東南隱隱有聲屋瓦皆搖

魏明帝青龍二年十一月

宋書

吳郡婁縣地中有犬子聲掘之得雌雄各一還置

屈中覆以磨石經宿失所在

惠帝元康三年十一月此天戒若曰帝既

衰弱藩王相譖故有大禍後元帝太興四年廬江

濞縣何旭家中亦百犬子聲掘之得一母犬青

色狀甚羸瘦走入草中不知所在視其處有二

犬子一雌一雄其後旭里中為蠻所沒出晉書

許州開元觀老君像自動乾德五年十一月知

高祖與沙門道登幸侍中省見鬼衣黃褶袴帝以

為人叱之而退

太和十六年十一月紀異錄

前

金主宣宗宮中有狐狼鬼夜哭於輦路烏鵲夜驚

飛鳴救天

至十二月宣宗崩出金史

枹罕羌妓產一龍子色似錦文常就母乳遙見神

光少得就視

晉愍帝建興二年十一月此亦皇之不建於是帝竟淪沒出宋書

襄州民劉士家生木有文如魚龍鳳鶴之狀

太平興國

六年十一月五行志

成都栗樹結實食之如李

長慶三年十一月五行志

鳳凰見濟陰已氏

漢桓帝元嘉元年十一月宋書符瑞志

烏鵲巢帝帳幄驅不能止

隋煬帝尋逢殺通考

洛州貓鼠同處

唐高宗龍朔元年十一月五行志

乾陵赤兔見

永泰二年十一月五行志

汾州有青龍白龍見白龍吐物空中有光如火至

地陷入地二尺掘之得玄金

唐太宗真觀二十一年十一月王

詩

江南仲冬天紫蔗節如鞭海將益作雪山用火耕

田

呂渭狀江南十一月

素手抽針冷那堪把剪刀明朝驛使發一夜絮征

袍

李白

浩汗霜風刮天地溫泉火井無生意澤國龍蛇凍
不伸南山瘦栢消殘翠岑參冬十一月夜作

不用裁為鳴鳳管不須裁作釣魚竿千花百草凋
零後留向紛紛雪裏看白居易題窓竹

四郊飛雪暗雲端惟此宮中落便乾綠樹碧簾相
掩映無人知道外邊寒吳融華清宮

風惡波狂身似間滿頭風雪背青山相逢畧問家
何在回指蘆花滿舍間僧貫休題漁者

天津橋下水初結洛陽陌上行人絕榆柳蕭疎樓

閣間月明直見嵩山雪孟郊洛橋晚雪

雪天留飲故情歡銀燭金爐夜不寒欲問吳江別

來意青山明月夢中看王昌齡李倉曹宅夜飲

十里黃雲白日曛北風吹鴈雪紛紛莫愁前路無

知己天下誰人不識君高適別董大

夫戍蕭關妾在吳西風吹妾妾憂夫一行書信千

行淚寒到君邊衣到無王駕古意

宮城團迴凜嚴光白天碎碎墮瓊芳搗鍾高歡十

日酒却天凝寒作君壽御溝泉合如環素火井温

泉在何處李賀樂詞

雪花無有蒂冰鏡不安臺梁帝十一月詩後侯景之亂人以為識謂無蒂

是無帝不安臺臺城不安也

况復歲雲暮凜凜冰霜辰韋應物

漁舟上急水獵火着高林杜甫

大雪

小雪後十五日斗指壬為大雪言積陰為雪至此

栗烈而大也孝經緯

大雪十一月節月之初氣也言大陰之氣以大水

疑為雪故曰大雪曆義

陰雨出而分

大雪魚負冰鄭玄曰魚上近冰也以上易通卦驗

大雪日鷓鴣不鳴後五日日荔挺始交後五日

大雪日鷓鴣猶鳴者國有訛言虎不交將帥不和

荔挺不出卿士專權周書時訓

大雪後君子處必掩身無躁事欲靜以待陰陽之

所定順時氣也月令

詩

薄暮雪雲低清宵意慘悽方聽飄牖急已報與堦
齊踈箔穿飛蝶空庭聚戲倪新晴思訪客愁絕滿

城泥

陸放翁
大雪詩

冬至

冬至木胎水旺火死金廢

言木孕於
水之中也

大雪後十五日斗指子為冬至陰極而陽始至日

南至漸長至也

孝經
緯

斗指子為冬至有三義一曰陰極之至二曰陽氣

始至三曰日行南至故謂之至

孝經
說

冬至之為極者有三意焉晝漏極短去極極遠晷

影極長極者至而極還之辭也

月令
章句

日短星昂以正仲冬

尚書孔安國註曰日短冬至
也星昂西方白虎七宿之

昂宿並見以正
冬之三節也

地皇氏以十一月為冬至

出通曆高氏
小史亦云

冬至德氣為土土色黃故曰黃鍾

晉志

冬至黃鍾之音調君道得

禮儀志

陽氣漸萌於黃鍾之宮

楊子

冬至子之半

邵子

冬至成天文

易通卦驗鄭玄註曰天文謂三光運行而照天下

調律者度竹為管蘆葦為灰列之九閉之中漠然

無動寂然無聲纖塵不形冬至夜半黃鍾以應

經

陽氣為火火勝故冬至燥

淮南子

冬至日在牽牛景長一丈三尺

夏至日在東井景長尺有五寸周禮

冬至之日日出辰入申晝行地上百四十六度強

夜行地下二百一十九度少弱

天文錄

冬至日行遠道周四極命之曰玄明天

呂氏春秋

日冬至則斗北中繩陰氣極陽氣萌故曰冬至為

德

冬至日在駿狼之山

以上淮南子

日之行天至於異維東南角極之於北故曰冬至

歷義疏

赤土國直崖州南度海經鷄籠島冬至之日影在

北夏至之日影在南開戶皆向北

洽聞記

冬至三光微

周髀云

冬至五星如連珠

武帝元封元年十一月甲子朔冬至五星如連珠出漢史

冬至後月養魄於廣寒之宮十洲記

陽雲出箕如樹木之狀易通卦驗

冬至東北方融風至一名炎風符瑞圖

黃帝得寶鼎神策是歲己酉朔日冬至得天地之

紀終而復始史記

僖公五年辛亥朔日南至公既視朔遂登觀臺以

望而書禮也凡分至啓閉必書雲物為備故也左傳

冬至之日鉉剛結後五日水泉動月令

冬至之日蚯蚓不結君政不行鹿角不解兵不藏

水泉不動陰不成傷周書時訓

孤竹之管雲和之琴瑟冬至日於地上圓丘奏之

春官大司樂

冬至之日北宮御女衣黑采擊磬石淮南子

冬至廣莫風至誅有罪斷大刑易通卦驗

冬至始人主致八能之士或調黃鍾或調六律或

調五行或調律曆或調陰陽或調正德易通卦驗鄭玄註曰

致八能之士者言選於人衆之中取習曉者使之調為諧調和之意也

冬至始人主於群臣左右從樂五日天下之衆亦

家家後樂五日以迎日至之禮

鄭玄註曰從者就也冬至君臣俱就

大司樂之宮臨其肆樂祭天圓五之樂祭莫大於此

冬至之日薦黍糕先薦玄冥以及祖禰其進酒饋

及謁賀君師耆老一如正日

崔寔月令

冬至前後君子安身靜休百官絕事不聽政擇言

辰而後省事聽事之日百官皆衣絳

續漢書禮儀志

魏晉冬至日受萬國及百寮稱賀因小會其儀亞

於歲朝故曰亞歲

沈約宋書

冬至日立仗百官皆備珂傘列燭有至五六百炬

謂之火城宰相火城將至則衆火皆撲滅以避宰相

出國史補元日亦然

上御含元殿受朝太史奏曰朔日至曆數之先嘉

辰之會按樂汁圖徵曰朔日冬至聖主厚祚又按

春秋感精符曰冬至陰雲迎日者來歲大美此並

聖德光被上感天心請付有司以彰嘉瑞從之

唐玄

宗實錄

宋仁宗天聖六年十一月出秘閣校理范仲淹通

判河中時癸亥日南至

冬至也

帝率百官朝皇太后

於會寧殿仲淹疏曰奉親於內自有家人禮與百官同列北面而朝可乎編全

宋哲宗冬至日賜御筵於呂公著私第且賜酒果

燭且傳宣繼燭

元祐四年合璧事類

開元二年冬至交趾國進犀一株色黃如金使者請以金盤置于殿中温然有煖氣問其故使者對曰此辟寒犀也

冬至日大雪忽霽因寒所結溜皆為冰條妃子使侍兒敲下二條玩之明皇問妃子曰所玩何物耶

妃子笑而荅曰妾所玩者冰筋也明皇謂左右曰

妃子聰慧可愛

以上天寶遺事

梁傳岐為始新令有囚當死會冬至岐乃放其還家曹吏固爭曰古者有此今不可行岐曰某若負信縣令當坐竟如期而反太守深相嘆異遽以狀

聞

南史

梁席闡出為東陽太守在郡有能名冬至悉放獄

中囚依期而至

梁書

傳賢字仲舒遷廷尉每冬至斷獄遲迴流涕

後漢書

周嵩母李氏嘗冬至飲酒舉觴賜三子曰吾本渡江託足無所不謂爾等並貴列吾目前吾復何憂嵩起曰恐不如尊旨伯仁志大而才短重名而識暗好乘人之弊此非自全之道嵩性抗直亦不容於世唯阿奴碌碌當在阿母目下耳阿奴謨小字也後果如其言晉書

庾狄伏連冬至之日親表稱賀其妻為設豆餅伏連問此豆何因而得妻對曰於馬豆分減伏連大怒齊書

龐籍帥延安日冬至夜恍惚間見天象成文云龐籍後十年作相當以仁佐天下駐視久之方滅後十年果為相曲洧

冬至獻履所以迎福踐長曹植

近世婦人常以冬至日上履襪於舅姑踐長至之

義也後魏崔浩女儀云

冬至先後各五日買白犬養之以供祖禰崔寔

冬至日鑽燧改火可去瘟疫續漢書禮儀志

冬至陽氣歸內腹中熱物入胃易消化南陽張平子養生集

要

共工氏子不才以冬至日死為疫鬼畏赤小豆是
日以赤小豆煮粥禳之

四時纂要

詩

獻壽人皆慶南山復北堂從今千萬日此日又初

長

姚合和李舍人冬至日

景移風度改日至晷遷換眇眇負霜鶴皎皎帶雲

鴈

鮑昭

冬至至後日初長遠在劔南思洛陽青袍白馬有

何意金谷銅駝非故鄉

工部

日近山紅煖氣新一陽先入御溝春聞閒立馬重

來此沐浴明年稱意身

王建冬至後
招子秀才

清齋獨向丘園拜盛服想君興慶朝明日一陽生

百福不辭相望阻寒宵

權德輿冬至宿齋時
郡臣南內朝謁因寄

十一月中長至夜三千里外遠行人若為獨宿楊

梅館冷枕單牀一病身

白居易冬至
宿楊梅館

至日觀書不幾行梅梢橫月欲昏黃漢宮紅影無

人見未必能添一線長

方巨山

井底微陽回未回蕭蕭寒雨濕孤葵何人更似蘇

夫子不是花時獨肯來東坡冬至日遊吉祥寺

新陽氣候未全佳尚縱寒威壓歲華賴有椒觴供

卯酒不妨和雪看梅花韓子蒼

何者謂之幾天根理極微今年初盡處明日未來

時此際易得意其間難下辭人能知此意何事不

能知邵雍冬至作

天宮初動磬緹室已飛灰暮風吹竹起陽雲覆石

來折冰開荔色除雪出蘭栽慙無宋玉辨濫次楚

王臺蕭慙

靈象將數迴四氣憑時散陰律鼓微陽大明將起

旦感興時未多心隨遊化難式宴集中堂嘉賓盈

朝館陳新塗妻李氏冬至作

天時人事日相催冬至陽生春又來刺繡五紋添

弱線吹葭六琯動浮灰岸容待臘將舒柳山意衝

寒欲放梅雲物不殊鄉國異教兒且覆掌中杯工部

冬至詩陽為大陰為小冬至陰極故曰冬至

年年至日常為客忽忽窮愁泥殺人江上形容吾

獨老天涯風俗自相親杖藜雪後臨丹壑鳴玉朝
來散紫宸心折此時無一寸路迷何處見三秦

工部

冬至詩

愆陽值歲晏忽復層陰結一雨散霏微千林共騷
屑端居遺簿領遠意懷幽潔曠慮守微疴殊方感
新節豈伊田廬念丘壟摧心折還登東嶺岡瞻竚

何由歇

朱文公冬
至陰雨作

日涉編卷之十一

日涉編

楚應城陳

皆升也甫編輯



邑人徐養量叔弘甫校刻

周治隆龐父甫

何呈瑞穆之甫

陳時育茂之甫

孫陳道統繼之甫全閱

十一月

一日

周建子以十一月朔為歲首

義熙元年至元熙元年皆是日日蝕蝕從上始占

曰臣民失君之象

晉安帝義熙元年恭帝元熙元年沈約宋書

武帝元封元年十一月甲子朔一日冬至五星如

連珠

漢史

晉惠帝永康元年十一月戊午朔旦大風從西北

來折木飛石

後趙王倫篡位

十有一月朔巡狩至于北嶽書

唐高宗幸東都

上元元年玉海

唐僖宗皇帝晏駕

光啓十一月一日晏駕昭宗即位者舊傳

宋真宗封泰山以是日幸曲阜備禮謁先師廟內

外設黃麾仗孔氏宗屬並陪位帝服鞞袍行獻禮

又幸叔梁紇堂命官分奠七十二弟子先儒洎叔

梁紇顏氏初有司定議肅揖帝特展拜以表嚴師

崇儒之意復幸孔林以樹擁道降輿乘馬至文宣

王墓設奠再拜

祥符元年追謚曰玄聖文宣王祭以大牢修飾祠宇乃追封叔梁紇

為齊國公顏氏魯國夫人伯魚母

宋太宗詔百官次對

淳化二年十一月一日出六典

元和元年是日斬劉闢西川之亂十二年是日斬

吳元濟淮西之亂十三年是日斬李錡浙西之亂

憲宗誅三賊皆同月同日自古未有憲宗御興安門受淮西之

俾以吳元濟斬于獨柳樹妻沈氏沒于掖庭弟二人子三人亦誅之出卓異記

柳泌是日言於唐憲宗曰天台山神仙所聚多靈

藥雖知之力不能致誠得為彼長吏庶幾可求上

信之台州因天台得名舊唐書

波斯國人庶以上各相命詔設會作樂七月七日亦然出北

史

奉印肅禪師于塔印肅號普菴袁州之宜春人也書偈畢跏趺而逝冬十一月一

日奉金身于塔弟子應世書請臨江良齋謝公諤銘其塔出禪林集

僧智興鳴鍾聲振地獄唐京師大莊嚴寺僧智興

持律不輟昏曉至大業五年仲冬次當直殿鳴鍾其寺僧三果者有兄徒煬帝南幸江都中路身亡

驟無訃也通夢于妻曰吾行至彭城不幸身死無善行今墜地獄備經五苦賴今十一月一日僧智

興鳴鍾發嚮聲振地獄同受苦者一時解脫今生樂處思報其恩汝可具絹十疋謝之妻驚而寤白

其事人無信者後凶計至與夢符如數以絹詣寺謝之寺眾咸問智興何緣鳴鍾乃感斯應智興曰

余聞廟膩叱王受苦

葛仙翁受太上三天金簡策書

王洪執真人昇仙

以上翰墨大全

詩

微霰霏霏點玉堂
詞頭夜半攬衣忙
分光御燭星辰爛
拜賜宮壺雨露香
醉眼有花書字大
老人無睡漏聲長
何時却逐桑榆暖
社酒寒燈樂未央

蘇子

瞻直玉堂十一月一日鎖院苦寒詔賜宮燭法酒

牕前暗響鳴枯葉
龍公試手初行雪
映空先集疑有無
作態斜飛正愁絕
衆賓起舞風竹亂
老守先醉霜松折
恨無翠袖點橫斜
祇有微燈照明滅
歸

來尚喜更鼓永晨起
不待鈴索掣未爇
長夜作衣稜却怕
初陽生眼纈欲浮
太白追飲賞幸有
回飈驚落屑糝糊
檜頂獨多時歷亂
瓦溝裁一瞥汝南
先賢有故事醉翁
詩話誰續說當時
號令君聽取白戰
不許持寸鐵

東坡元祐六年十一月一日禱兩張龍公得小雪與客會飲聚

星堂忽憶歐陽文忠公作守時雪中約客賦詩故作之

二日

梁太祖南郊

開平三年

後周世宗葬于慶陵

慶陵在鄭州管城縣以上通考

宋仁宗遣內侍就輔臣第賜飛白書各一軸張士

遜等入朝奏曰陛下萬幾之煩翰墨不倦神筆奇

與曠古未有上曰朕聽政之暇無所用心以此自

娛耳寶元二年十一月二日玉海

勅叔梁紇追封齊國公顏氏追封魯國太夫人宋真

宗祥符元年十一月二日勅出宋朝會要

宋程端厚獻聖德詩高宗紹興十一年十一月二日獻出會要

元人白堊葬錢塘縣棲霞山字廷玉天曆元年九月初二日葬其子遵治命題曰西湖詩人白君之墓先生初出刺得宜文化大行後謝事養病海陵遠近

擔簦相後者殆無虛日與韻朋勝友曳杖游衍街

杯賦詩所居西為有泉自天竺來及門而匯曰湛

淵因以自號出宋濂集

僧請梁武帝於寺發般若經二塔俱發光武帝初到寺以

金鉢水泛舍利鉢內放光武帝遣皇太子王侯朝

貴等迎舍利供養其日風景明和觀者數萬人其

所設金銀供具等物并留寺供養施錢一萬為寺

基業至十一月初二日寺僧又請武帝於寺發般

若經二塔俱放光出梁書

詩

滿頭花生韓侂胄愛姬三夫人號滿頭花

陽萌兩日壽星光天祐生賢侍玉皇上世勲庸滿

鍾鼎後昆風骨揔侯王事文類聚

三日

宋徽宗南郊大觀四年出通考

宋徽宗加神宗哲宗徽號皇帝御大寶殿奉神宗

冊寶授大師魯國公蔡京載以玉輅奉哲宗冊寶

授少師太宰何執中載以金輅並詣太廟幄殿奉

安政和三年十一月三日至四日皇帝詣景靈宮行禮赴太廟宿齋五日服袞冕恭上神宗哲宗

冊寶于本室出宋史禮志

蘇軾奏曰臣伏見熙寧以來高麗人屢入朝貢至

元豐之末十六七年間館待賜予之費不可勝數

兩浙准南京東三路築城造船建立亭館調發農

工侵漁商賈公私告病朝廷無絲毫之益夷虜獲

不貲之利宋哲宗元祐四年十一月三日奏出文編

杜希全與朱此戰于漠谷官軍不利自是此益驕大出史纂左

侂胄早朝筠復白其事侂胄十一月二日酣飲至五鼓其夕周筠以覆帖告

變時侂胄已被酒視之曰這漢胡說於燭上焚之初三日將早朝筠復白其事侂胄叱之曰誰敢誰

敢遂升車而去甫至六部橋忽有聲若於道傍者問為何人曰夏震時震領兵三百俟于此復問何

編

日步原

六

故曰有旨太師罷平章事語未畢健卒百餘人
權其轎以出至玉津園夾牆內過殺之出左編

楊正見昇仙正見者眉州通義縣民楊寵女也聘

正見膾炙之正見憐魚尚活不忍烹至日晏而盤饌
未備舅始責之正見懼竄于鄰里行數十里花木

異于人世又至一山舍有女冠在焉正見以其故
白之冠女冠曰子有好生之心因留宿使正見汲泉

而歸漸近家兒已羶矣視之若草木之根重數斤
而冠見而識之乃茯苓也命紫觀蒸之會山中糧

盡女冠見出山求糧忽風雨不能歸正見饑甚聞
中香竊食之冠歸嘆曰神仙自有定分吾不為

風雨所阻汝豈能食此靈藥耶自是正見光彩射
人常有群仙降其室後白日昇天時開元二十一

年十一月三日也昇仙處即邛州滿江縣出集仙
錄

太上大道君登玉霄琳房四眇天下經道

四日

漢安帝京師地動其日戊辰三者皆土位在中宮

戊干辰支皆土也楊震上疏曰臣蒙恩備台輔不

能奉宣政化調和陰陽令十一月四日京師地動

地者陰精當安靜承陽而今搖動者陰道盛也此

中臣近官持權用事之象望陛下奮乾剛之斷棄

驕奢之臣以承皇天之戒震前後所言轉切而樊

名儒未敢加害會河間男子趙騰上書指陳得失
帝怒震上疏救之楊震字伯起弘農華陰人博覽

無不窮究
出楊震傳

唐高祖詔皇族子弟功臣子弟于秘書外省別立

小學

武德元年十一月四日詔玉海

唐高宗狩于華山之曲武原

上元元年玉海

宋仁宗以新製風角集占三卷賜輔臣其風角謂

候四方隅之風以占吉凶

康定元年出備邊要覽

耶律楚材善律曆術數帝是日出獵楚材以太乙

數推之亟言其不可左右皆曰不騎射無以為樂

帝即日出獵崩于行在所

元史

五日

宋神宗是日冬至祀昊天上帝于園丘以太祖配

帝服鞞袍乘輦至大次有司請行禮

元豐七年

宋真宗賜輔臣玉清昭應宮甘露歌其歌曰名神

漿稱天酒考祥圖考嘉應之首降仁壽零未央觀

舊史考太寧之祥

祥符九年

宋孝宗御書御製用人論賜宰臣陳俊卿等畧云

邪佞亂真比比皆是知人則哲帝玉所難哲王用

人廣獨智以照臨稽衆論而遴選擇不厭精任不

厭久

乾道五年

江南李煜吳越錢俶各遣子弟來朝太祖是日宴

於崇德殿

開寶四年以上玉海

唐丞相王涯有鄭注之禍

丞相王涯太和九年掌邦賦其子仲翔嘗一日

避暑於山亭忽見家童數十皆無手並來仲翔方食頃之不見仲翔驚即白于涯涯不聽是歲冬十

一月五日果有鄭注之禍出宣室志

詩

樓頭禁鼓試初過催草江淮督使麻落絳一簾風

雨疾不知斜墨陣翻鴉

十一月五日鎖學士院洪恣夔作

臥聞落葉疑飄雨起對空庭蓋卷風政自摧顏同

病鶴况堪吟諷類寒虫忽思有客渾如我却念題

詩不似公已分菴鹽終白首可因霜雪媿青銅

父十一月五日晨起書呈葉德璋司法

六日

晉康帝是日彗星見亢長七尺白色占曰亢為朝

廷主兵喪二年康帝崩

建元元年天文志

齊武帝是月土霧竟天濃厚至是日未時小開其

霧濃密如火煙平慘入人眼鼻

南齊書五行志

宋徽宗以為天應節

宋徽宗政和三年十一月六日祀昊天上帝于園丘太師

蔡京奏天神降格實為大慶乞付史館帝出手詔

應節出宋史禮志

宦官劉季述等外結蕃侯以為黨援是日季述矯

詔以皇太子監國遂廢昭宗居東內奪傳國寶授

太子昭宗以何皇后宮嬪數人隨行幽于東宮季

述手持銀撾於上前以撾畫地數上罪狀令李師

虔以兵圍之鎔錫錮其肩鏑時方凝冽嬪御無被

哭聲聞於外

唐時宦官劉季述王奉先為兩軍中尉出徐彥若鎮南海崔胤秉政而排

擯宦官季述等外結蕃侯十一月六日季述矯詔遂廢昭宗於東宮穴墻通食者兩月後崔胤等謀

誅季述復迎昭宗即位政元年復元年出舊唐書

宋仁宗天安殿恭謝天地次太廟

明道元年十月修宮室成詔十

一月六日恭謝天地出禮志

宋仁宗以皇太子生宴輔臣宗室于太清樓讀三

朝寶訓賜御詩寶元二年

惟儼禪師告寂

惟儼禪師澧州藥山僧年七十依

祖得道師一夜登山經行忽雲開見月大爾一聲

應澧陽東九十里許居民盡謂東家明晨迭相推問太和八年十一月六日乃告寂塔于院東隅唐文宗謚弘道大師塔曰化城出楚通志

七日

唐德宗親饗廟貞元六年通考

唐憲宗是日以山人柳泌為台州刺史令入天台

山採藥元和十三年諫官論之不納

宋太祖幸鎮寧軍節度使張令鐸第視疾開寶二年以上

海玉

善會禪師召門徒曰吾與眾僧話道累歲佛法深
旨各應自知吾今幻質時盡即去汝等善保護如
吾在日言訖奄然而逝善會禪師澧州夾山僧幼出家後得道從者甚眾

謂門徒曰勞持生死法唯向佛邊求目前迷正理撥火覓浮漚唐中和元年十一月七日名門徒言訖告寂出

楚通志

道寧禪師酉時跏趺而逝道寧禪師潭州開福寺僧壯為道人於崇果寺

執浴一日將濯足偶誦金剛經至於能生信心以比為實句遂忘所知忽垂足沸湯中後祝髮蔣山依雪竇老良禪師至徽宗政和三年十一月示寂舍利五色歸藏于塔出禪宗志

詩

慶陽來七日和氣漸舒徐敬為圖南祝一辨問興

居事文類聚

八日

唐德宗詔有事于南郊太廟從官吏將士等一切

並令自備食物貞元六年十一月十一日詔玉海

唐中宗宋高宗親饗廟宋宗神龍元年高宗紹興十三年出通考

宋真宗修尚書省龍圖學士陳堯咨摠其事天僖四年

十一月八日出會要

宋高宗是日修太后殿親書慈寧之殿紹興九年

唐柳宗元卒元和十四年十一月八日卒年四十七韓子為作墓誌銘極稱其以柳易

易播之事為篤于交道且言子厚斥不久窮不極雖有出于人其文學詞章必不能自力以致必傳干後如今無疑也雖使子厚得有所頭為將相干一時以彼易此孰得孰失必有能辨之者

王洪臨真人昇仙列仙傳

詩

奔走人間無已時夜牕喜對出塵姿移燈看影憐

渠瘦掩戶留香笑我癡冷艷照杯欺麴蘖孤標逼

硯結冰澌本來難入繁華社莫向春風怨不知陸放

翁十一月八日夜燈下對梅獨酌累日勞甚自慰

鶴飛去兮西山之缺高翔而下覽兮擇所適翻然

歛翼宛將集兮忽何所見喬然而復繫獨終日于

澗谷之間兮豕蒼苔而履白石鶴歸來兮東山之

陰其下有人兮黃冠草履葛衣而鼓琴躬耕而食
兮其餘以汝飽歸來歸來兮西山不可以久留

東披

元豐元年十一月初八日作放鶴招鶴歌

九日

唐德宗親饗廟

貞元九年通考

梁武帝詔大通七年十一月九日以前在民間無
問多少凡所未入者皆赦除之詔曰用天之道分
地之利蓋先聖之格訓也白是桑田廢宅公創之
外悉分給貧民

出梁書

宋太宗詔曰國家先定車服制度聞士庶尚有奢

侈於是鞍轡服帶幘頭巾子並為條制復禁泥金

真珠服飾

端拱二年十一月九日詔

宋高宗建閣藏聖製詔曰載稽帝世之隆無若堯

章之煥揭名層宇列職清箱置學士侍制直閣

淳熙

十五年十一月九日建閣以上玉海

宋孝宗郊祀改元淳熙

乾道九年十一月九日出宋史

東坡是夜夢與人論神仙道術因作一詩八句覺
後錄呈子由弟前四句析塵妙質本來空更積微

陽一綫功照夜一燈常耿耿閉門千息自濛濛後
四句不甚明補成之養成丹竈無煙火點盡人間
有暈銅寄語山神停伎倆不聞不見我何窮

丘處機葬

處機至元六年贈長春演道主教真人十一月九日大葬四方哀慟如喪其親

出左編

東斗南斗下降

道經

詩

九日驅馳一日閒尋君不遇又空還恠來詩思清

人骨門對寒流雪滿山

帝應物十一月九日訪隱不遇

十日

唐高祖講武于同官縣

武德八年十一月十日講武虞世基講武賦曰上林

從幸相如頌德長楊校獵子雲為賦選羽林于七
郡詔蹶張于五營命司馬以示法帥掌固而清甸
導旬始以前驅伏鈞陳
而後殿云云出會要

唐玄宗開元十二年群臣屢上表請封禪以十三

年十一月十日有事於泰山張說首建封禪之議

而源乾曜不欲為之由是與說不平

翰林侍講學士孫奭知兗州帝是日作七言詩寵

其行詔近臣皆賦

宋仁宗天聖元年
年以上玉海

仙女萼綠華於晉穆帝昇平三年是日下降於羊
權家自云南山人又云我本姓楊又云是九疑山
中得道羅郁也贈權詩一篇火斨布一條金三條
脫各一枚謂權曰慎勿泄我下降之事泄之則彼
此獲罪言畢化形而去今在廂東山中真誥

神霄玉清王誕日翰墨大全

詩

月宮循環屈仲冬莫生十葉氣葱葱梅花香裏開
華宴拍酒尊前拜壽翁事文類聚

古渡風沙卷夕霏小江煙浪皺春漪天於麥隴猶
慳雪人向梅梢大欠詩頓轡青驪飛脫兔離弦白
羽肅寒鴟牙門列校俱慄銳檄與河邊秃髮知曾茶

山淳熙十四年十一月初十日海雲回接
騎城北時吐蕃出沒大渡河水上范石湖

十一日

後晉高祖霜露著草木皆為冰天福十二年十一月十一日天大昏霧

木有水至十一日霜露皆為冰時魏府杜重威叛
計降之至來年正月二十七日高祖崩出通考

唐高宗於陽城周公測景所得土圭長丈二尺七

寸調露元年

唐玄宗以貢舉人謁先師

開元七年以上玉海

宋太祖幸封禪寺觀新鍾

開寶三年通典

高宗上二都賦

宋高宗建炎十五年玉海

天倉開日宜入山修道修啓福齋

仙經

詩

禮聖來群彥觀光在此時聞歌音乍遠合樂和還
遲調朗能借竹聲微又契絲輕冷流篥簾繚繞動
纓綏九變將隨節三終必盡儀國風由是正王化

自雍熙

唐玄宗十一月十一日以貢舉人謁先師開雅樂呂昉作

藹藹觀光士來同鷓鴣群鞠躬遺像在稽首雅歌
聞度曲飄清漢餘音遏曉雲兩楹婁已合九仞杳
難分斷續同清吹洪纖入紫氛長言聽已罷千載

仰斯文

題同前王起作

十二日

宋真宗命學士宗諤祭河瀆

祥符元年玉海

宋英宗命韓琦判永興兼陝府西路經畧安撫使

手札趣令治裝

治平四年玉海

宋哲宗詔禮部立詩賦式取士

元祐二年玉海

智兩禪師寂威

宋太宗至道三年十一月十二日告寂壽八十一連水人傳法于仁

辯長老出楚通志

女仙謝自然上昇

翰墨大全

十三日

唐中宗是日冬至祀園丘於南郊

中宗景龍三年十一月十三日

乙丑冬至陰陽人盧雅侯藝等請奏促冬至就十日甲子以為吉會右臺侍御史唐紹奏曰禮所以冬至祀園丘於南郊夏至祭方澤於北郊者以其日行躔次極于南北際也曰北極當晷度循半日南極當晷度環周是日一陽文生為天也交際之始故易曰復見天地之心乎即冬至卦象也一歲之內吉莫大馬甲子但為六甲之始一年之內隔月常運既非大會畧運未周唯總六甲之辰助

四時而成歲今欲避環周以取甲子是背大吉而就小吉也太史令傳孝忠奏曰南陸北陸並曰校一分若用十二日甲子即欠一多未南極即不得為至上曰俗諺云冬至長於歲亦不可改竟依紹祀園丘出通考

宋高宗是日太史令胡平言車駕至青城陰霧收

斂登壇至禮畢天氣澄肅星月明瑩回鑿肆赦有

彩雲之瑞乞宣付史館從之上因是親製喜霽詩

宰輔從臣皆和以進

紹興十九年玉海

太常少卿段成式與温庭筠友善成式六月卒是

日冬至大雪忽有扣門者僕夫視之乃隔扉授一

竹筒云段少卿送書來庭筠初以為誤發護書上

無字開之乃成式手札也庭筠大驚乃焚香再拜

而讀辭曰慟發幽門哀歸短數云云溫段二子皆傳其事出太

平廣記

朱橘立化而朱橘號翠陽居淮西安慶之望江六歲

薄名利欽慕修道橋後為冠所撓入闈至惠州之博

得師以證入道橋後為冠所撓入闈至惠州之博

羅縣有鄉人陳六者

陳六曰吾將去矣汝

館中陳乃與館主謀

復甦又謂陳六曰吾

言化後用泥塑之駭

吏醉呼而前曰汝假

而尸解時宋理宗淳祐

而巳衆人方知橘示神變

而巳衆人方知橘示神變

而巳衆人方知橘示神變

而巳衆人方知橘示神變

海空智藏天尊降日

經道

十四日

詔河瀆進號為順聖靈源公

宋真宗大中祥符元年十一月十四日詔

河瀆進號至仁宗康定二年詔封四瀆皆為王按

唐會要天寶六載封河為靈源公濟為清源公江

代命五嶽視三公四瀆視諸侯

唐高宗是日雨木冰

儀鳳三年

唐懿宗生於藩邸

懿宗生于太和七年十一月十四日昭皇太后

晁氏帝即位年二十七姿貌雄麗有異稠人藩邸時疾郭淑妃侍醫藥見黃龍出入于臥內妃以異告帝曰慎勿復言又嘗大雪數尺而帝寢室之外獨無人皆異之出舊唐書

宋真宗次澶州宴後臣父老于駐蹕延禧殿祥符元年

玉海

十五日

孝武帝是日太白填星合于危占曰天子失土建孝

六年南齊書天文志

宋太祖親饗廟乾德元年

宋太宗南郊太平興國三年以上通考

孟子卒孟子卒于赫王二十六年正月十五日即今之十一月十五日也壽八十四出孟譜

建安十二年是夜月色皎潔長江一帶如橫素練

曹操置酒於舟中顧夏口樊山等處曰吾自起兵

以來澄清四海所未得者江南也吾得此可以當

國強兵今有百萬雄師何患功業不成於是命左

右行酒至夜半乃止三國志

東坡是日有菊花開時即重陽之語故記其在海

南菀菊花九畹以十一月望日與客泛酒作重九

云出容齋續筆又長公外紀云東坡在儋州有移永州之命李公弼林子中自番禺追錢至清遠

峽同遊廣陵寺至十一月十五日東坡舟行時東坡年六十五

占城國風俗以是日為冬至人皆相賀州縣以土

產物帛獻其王占城國在中國之西南其俗與大

會垂至于足衣衫窄袖撮髮為髻市無緡錢止用

金銀其王惱後髮髻散披古貝衣帶金花冠七寶

撮髻其絡為飾股脛皆露躡革履無襪婦人亦腦後

詩

東林氣微白寒鳥高高翔吾亦別茲去北山歸草

堂仲冬正三五月遙相望蕭蕭過穎上隴隴辨

少陽春水生積雪野火出枯桑獨往路難畫窮陰

人易傷傷此無依客如何度雪霜崔摺十一月十日早發交崔

山還太室

十六日

宋太祖乾德元年禮儀使陶穀十一月十六日行

南郊禮上是日服袞冕執圭合祭天地于園丘以

皇弟開封尹光義為亞獻興元尹光美為終獻將

升壇有司具黃褥為道上曰朕繫誠事不必如此

命徹之還宮將駕金輅顧左右曰於典故可乘輦

否對以無害乃乘輦以南郊禮成大宴廣政殿號

曰飲福自是為例出通考

唐玄宗是日以周武王漢高祖於京城內同置一

廟并置官吏出通考

肅宗是日有女尼真如忽見二皂衣引至一所見

天帝出寶授真如曰汝往令刺史崔侁進達於天

子肅宗寢疾方甚視寶召代宗謂曰今上天賜寶

祚汝宜寶受之代宗即以寶應紀年唐書

天僖年宋真宗考選一百四人以郭積第一是日

宣翰林學士錢惟演盛度樞密直學士王晦叔龍

圖閣待制李虛已李行簡覆考舉人有訟不平者

及奏名郭積依舊其餘覆落出容齋四筆

彭思永以疾終彭思永字季長上書告老遷戶部侍郎致仕熙寧三年十一月十六

日卒年七十有一任官四十五年精于吏治事業磊落然德性之美心術之淳世尤尊之出行狀

天竺國是日為冬至則麥秀西域志亦出天中記

十七日

唐太宗詔罪人無得鞭背又詔死刑皆三覆奏貞觀

四年十一月十七日詔太宗嘗覽明堂針灸圖見人之五臟皆連背出刑法志

王仲舒卒

唐穆宗長慶三年十一月十七日卒年六十

遠近相吊曾為拾遺朝退天子謂宰相曰第幾人非王其耶是日方與陽城更疏論裴延齡詐安士大夫重之仲舒

字弘中出誌銘

蘇轍妻德陽郡夫人史氏生

出蘇氏譜

啓福之辰

天帝遊東井

西斗降

以上道經

十八日

宋神宗有事於南郊

熙寧元年十一月十八日有事於南郊御札有十月十八日有

辰修郊見之禮方且進析茂社以大苙黎元昭格至精以終亩熙事云云出宋文鑑

宋仁宗改元寶元

景祐五年

宋真宗因雪宴近臣于崇文院帝作瑞雪五言詩

令館閣即席和進

景德四年

西方妙善彌陀佛生

藏經

十九日

侯景以是日僭位

大寶二年至明年三月十日棄城逃竄出北齊書

晉安王子勛是日戒嚴戎服出廳事集僚佐使潘

欣之口宣旨曰少主昏狂悖戾並是諸君所見聞

顧命重臣悉皆誅戮驅逼王公幽辱太后不逞之
 徒共成其釁京師諸王並見囚逼委厄虎口思奮
 莫因身義兼家國豈可坐視橫流今便欲舉九江
 之衆馳檄近遠以謀王室於諸君何如四座未答
 錄事參軍陶亮曰少主昏狂醜毒已積伊霍行之
 於古殿下當之於鄱州士子世習忠節况屬千載

之會請効死前驅

鄧琬字元琬豫章南昌人也宋廢帝狂悖無道乃遣使賫藥賜

晉安王子勳死使至子勳帥潘欣之等馳以告琬涕泣請計琬曰身南土寒士蒙先帝殊恩以愛子見託豈得借門戶事猶獨夫今便指率文武直造京危殆雖曰天子事猶獨夫今便指率文武直造京

邑與群公卿士廢昏立明景和元年十一月十九日子勳即日戒嚴戎服出廳事集僚佐使潘欣之口宣旨云

神宗幸尚書省顧執政曰新省弘壯與官制相稱

次至僕射廳元豐六年

程明道祭富韓公元豐六年十一月十九日遣外甥張敷祭大尉文忠公文有我

公道行乎重熙累洽之運而身享乎尊富安榮之完勲業揭乎日月聞望塞乎天淵云出明道集

廉希憲卒至元十七年十一月十九日卒年五十

海牙子也世祖為皇帝希憲年十九得入侍見其容止議論恩寵殊絕希憲篤好經史手不釋卷一日方讀孟子子聞名急懷以進世祖問其說以性善義利仁暴之旨為對世祖嘉之目曰廉孟子由是知

名後至元元年丁母憂勺水不入口者三日慟則
嘔血廬於墓傍宰臣以憂制未定欲極力起之奪
情起服希憲雖不敢違旨然出則素服後
事入必縑經及喪父亦如之出史纂左編
粘罕元帥圍京城宋欽宗靖康元年二月二日金人圍汴城三月三日金人北去
至十一月十九日粘罕元帥再圍京城出七修類稿

日光天子生

諸天華嚴菩薩及文殊佛出世

以上佛書

北陰聖母元君下降

道經

詩

連日寒殊甚衰年無一能硯呵磨墨凍瓶灑插花

冰浮世無根絮餘生有髮僧蘇門如可即端合事

孫登

趙賓暢次韻方萬里寒甚送酒時戊寅十一月十九日

不飲胡為醉兀兀此心已逐歸鞍發歸人猶自念

庭闈今我何以慰寂寞登高回首坡隴隔惟見烏

帽出復沒苦寒念爾衣裘薄獨騎瘦馬踏殘月路

人行歌居人樂僮僕怪我苦悽惻亦知人生要有

別但恐歲月去飄忽寒燈相對記疇昔夜雨何時

聽蕭瑟君知此意不可忘慎勿苦愛高官職

東坡十一

月十九日與子由別於鄭州西門之外馬上賦此奇之

後知崧岳儲神日正在文殊出世時事文類聚

二十日

宋仁宗政元慶曆康定二年 玉海

宋仁宗南郊慶曆元年 玉海

宋太宗親饗廟雍熙元年 以上通考

宋真宗御龍圖閣詔近臣觀太宗草行飛白篆籀

八分書及畫咸平四年 玉海

孔明沐浴散髮登壇祭風壇名七星壇建於南屏山後有詩曰諸葛身亡千載

後再無人上七星壇出三国志

金主章宗崩泰和八年 出金史

王志都有知己者早亡一日現形謂志都曰吾念

卿無婦欲為卿得婦送至卿家十一月二十日可

掃除庭戶設牀席待之志都如其言至是日天忽

大風白日昏黑見牀上有一婦自稱莊嚴內外驚

怖無敢近者惟志都知之須臾婦起而坐志都曰

汝是誰婦曰我河南人父為清河太守不知何由

至此志都具語其意婦曰君之知己令我為君妻

遂成夫婦志都往詣婦家大喜亦以為天相與也 後生一男為南郡太守出太平廣記

詩

匝路亭亭艷非時裊裊香素娥唯與月青女不饒

霜贈遠虛盈手傷離適斷腸為誰成早秀不待作

年芳

李義山十一月二十日
至扶風見梅花

二十一日

唐玄宗祀后土于睢上其文曰恭惟坤元道胎品
物廣大茂育暢於生成庶憑休和惠及黎獻博厚
之位粵在汾陰肅恭時巡用昭舊典敬以琮幣犧
牲粢盛庶品備茲瘞禮式展禮畢令所司刊石於

祠所

玄宗欲幸太原中書令蕭嵩上言云陛下開

昭祐累年豐登有祈必報且漢武親祀睢上前後
數次伏請准舊事至后土行報賽之禮上從之至

十一月二十一日祀
后土於睢上出通考

宋太宗有事於南郊

太宗即位八年恭山父老

未遑厚賜以遣之明年宰臣宋琪率文武官僧道
者上表以請乃詔以十一月二十一日有事於泰

山命翰林學士扈蒙等詳定儀注既而乾元文明
殿災詔停封禪而以十一月二十一日有事於南

郊出宋
史禮志

帝御紫宸韓約奏曰金吾左仗院石榴樹夜來有
甘露乃蹈舞再拜宰相百官相次稱賀李訓奏曰

甘露降祥俯在宮禁陛下宜親幸左仗觀之上乘

軟舁出紫宸門由含元殿東階昇殿上令宰相兩

省官先往視之既還曰臣等恐非真甘露不敢輕

言言出四方必稱賀上曰韓約妄耶李訓甫宗時宰相揆之族

孫也始名仲言進士擢第形貌魁梧神情麗落辭敏智捷善揣人意後為禮部侍郎同平章事賜金

紫太和九年十一月二十一日帝御紫宸出舊唐書

唐高宗講武渰水之南行三驅禮設次於尚書臺

以觀之許州長史封道弘奏臺本漢南郡太守馬

融講尚書於此因以為名今陛下親降此臺以觀

教習請改為講武臺後之顯慶二年出會要

宋真宗召近臣至太清樓觀太宗御書賜宴樓下

上作太清樓閣書歌二首天禧二年

宋太宗改元雍熙興國九年以上玉海

宋神宗舍人院試劉蒙等二十一人出身熙寧三年十一月十一日出會要

後漢隱帝崩葬潁陵在許州陽翟縣出通考

周茂叔寔於德化縣德化鄉潘興嗣為之銘曰人

之不然我獨然之義貫於中貴於自期謗謏日甚

命道之不行斯謂之病茂叔於神宗熙寧六年卒于九江郡之私第享年五

十七至十一月二十一日

空于德化鄉出宋文鑑

二十二日

天雨木冰凝寒凍冽唐玄宗開元二十二年二月二十日

諺云樹稼達官怕必有大

宋太祖召陳搏問享國長短太祖即位十一月二

國長短曰今年是庚甲麼睡而不答曰睡到五更

醒方問此事回首舉杖畫地作又木字訖投杖而

睡太祖曰朕壽幾何搏拜曰萬歲陛下終于火日

象太祖曰朕壽幾何搏拜曰萬歲陛下終于火日

之下離為火日陛下之

子孫盡矣出陳搏傳

侯景立蕭正德為帝十一月二十二日景立蕭正

天柱將軍正德以女妻之景

魏之懷朔鎮人也出侯景傳

相梁裁徐廣曰十一月二

也出史記

二十三日

宋真宗召近臣觀書於龍圖閣楊億呂夷簡與上

作詩五章分賜王旦等祥符九年

宋徽宗改元崇寧靖國元年

靖國元年

秦王平薛仁果凱旋獻俘太廟唐高祖武德元年十一月二十三日

要出會

三十代天師張繼先索筆作頌曰一面青銅鏡數

重蒼玉山恍然夜船發移跡洞天間寶殿香雲合

無人萬象開西山一紅日煙雨落潛潛書終而化

繼先字嘉聞號條然子生于宋元祐七年五歲不言一日聞鷄鳴忽笑賦詩曰靈鷄有五德冠距不

離身五更張大口笑醒夢中人後寓天慶觀欽宗靖康丙午年十一月二三日作頌而化金人犯

汴京師亦以是陷出史纂左編

斷崖禪師生

生于宋理宗景定癸亥年十一月二

母張氏生師于湖州德清縣能食不茹暈酒六歲始能言但從其母編法華經於人世事懵然無所

知姿貌嶷然志若有所待有禪者過之誦高峯上

堂語曰欲窮千里目更上一層樓師忽言曰此大

南斗生辰

善曰識必能為人拔釘去楔再能與我往見之乎母驚異之出史纂左編

南斗六司星君奏長生錄

以上道經

二十四日

宋太祖南郊

開寶元年又建隆四年十一月二十四日改元乾德皆出通考

夏王趙德明薨宋仁宗乘輿至幕殿服素服太常

博士引太常卿當御座前跪奏請皇帝為夏王趙

德明薨舉哀

宋史禮志

宋孝宗辛白石大閱時大陰曠迨出郊風日開霽

諸軍懽騰觀者山峙皇帝登壇舉黃旗諸軍皆拜

舉紅旗向臺合圍賚將士有差乾道二年宋史

吳直方生直方字行可生于宋恭帝德祐乙亥年十一月二十四日行可自幼有大志至

元末廟堂用事者頗擅威福上與大臣謀罷其政柄行可實協贊之上念其功名至便殿賜以黃金

繫帶趨拜集賢直學士會脫脫入相中書國有大政多咨行可行可每引古義告之言無不聽民被

其澤行可致仕遂以集賢大學士榮祿大夫食俸賜終身又賜田一千九百餘畝尋謝不受出宋濂

集

誠敬夫人廟每歲以是日祭之誠敬夫人廟在高州府電白縣各州

縣俱有行祠夫人洗氏京涼人陳高州太守馮寶妻隋初平陳嶺南共推洗氏為主保境拒守既而

降隋厥後高州刺史李遷仕及番禺夷王仲宣等反夫人又皆討平之累封譙國夫人卒謚誠敬宋

蘇軾詩馮洗古烈婦翁媪國于茲策勳梁武後開府隋文時三世更險易一心無磷淄錦繖平精亂

犀渠破餘疑歲以十一月出廣東志

南斗星降道經

詩

玉樓春信梅傳早三八芳辰陽復後

事文類聚

二十五日

唐刑部尚書顏真卿獻韻海鏡源詔付集賢院代宗

大曆十二年十一月二十五日韻海三百六十卷出會要

唐憲宗以中書舍人裴度為御史中丞元和九年玉海

宋仁宗天聖二年加上真宗謚曰文明武定章聖

元孝皇帝又慶曆七年加上真宗謚曰膺符稽古

成功讓德文明武定章聖元孝皇帝天聖二年慶曆七年皆十

一月二十五日出宋史禮志

宋高宗詔曰國家遭金人侵逼何時休息朕取十

一月二十五日移蹕前去浙江為迎敵計惟我將

士人民念國家涵養之恩二聖拘縻之辱悼殺戮

焚慘之禍與其束手待斃曷若並計合謀同心戮

力奮勵而前以存國家金人侵逼高宗為退避之謀自南京移淮自淮自

移建康而會稽播遷之遠極于海隅遣使哀祈無不曲盡累年卑屈卒未見從建炎三年詔出宋史

宋孝宗書白居易七德舞賜翰林學士周必大淳熙

元年玉海

元人宋本卒宋本字誠夫大都人自幼穎異辟

字索必貫通乃已善為古文詞元順宗元統元年十一月二十五日卒年五十四自承務郎十轉至

太中大夫本性高抗不屈持論堅正制行純白不

道不少置尤以植立斯

北斗星降道經

掠剽大夫降犯之短命三元延壽書

詩

平分冬氣恰經旬天應新陽產異人事文類聚

二十六日

宋太祖南郊乾德元年出通考

宋太祖校獵於近郊建隆二年出玉海

宋欽宗靖康元年京城陷金人入城是日粘罕遣

使入城求兩宮幸虜營議和割地事七修類考

宋人孫侂卒孫侂字少述世吳興人侂方四歲從其母胡氏家楊州母親教之侂雖幼已惕然能自傷其孤悲泣力學七歲能屬文既長讀書精識玄解能得聖人深意多所論議慶曆皇祐間與臨川王安石南豐曾鞏知名于江淮間安石謂淮之南有賢人焉天章閣待制王鼎以女妻之侂自奉儉約家人化之閨門雍雍如也元豐二年除通直郎致仕七年十一月二十六日卒太常博士贊曰獨貧而足獨窮而樂云云林希作傳出宋文鑑而

朱橘生朱橘號重陽居淮西安慶之望江橘之生也母嚴氏夢吞一星光大如斗已有娠十月

五月謂其母曰食以子生矣母喜而受之請問名氏

道人名也言訖遂失所移時而有鞠君子三字曰吾

姓名也言訖遂失所移時而有鞠君子三字曰吾

道人名也言訖遂失所移時而有鞠君子三字曰吾

道人名也言訖遂失所移時而有鞠君子三字曰吾

道人名也言訖遂失所移時而有鞠君子三字曰吾

道人名也言訖遂失所移時而有鞠君子三字曰吾

利欽慕修煉過惠州博羅一日市中遇一道人
 握一橘狀若風狂且行歌而笑吟曰橘橘橘無人
 識惟有所感隨之方知是無人之境皆駭之莫曉其意
 獨橘有所感隨之郊外無人之境乃拜而問曰真
 人非鞠君子乎道入驚曰子何人也橘以姓名告
 乃悟昔時之事後橘尸解于宋理宗淳祐二年十
 一月十七三日
 出史纂左編

妙果天尊降現經道

詩

春風嶺上淮南村昔年梅花曾斷魂豈知流落復
 相見蠻風蠻雨愁黃昏長條半落荔枝浦臥樹獨
 秀枕柳園豈惟幽光留夜色直恐冷艷排冬温松

風亭下荆棘裏兩株玉藥明朝暎海南仙雲嬌墮
 砌月下縞衣來扣門酒醒夢覺起繞樹妙意有在
 終無言先生獨飲勿嘆息幸有落月窺清樽

羅浮山下梅花村玉雪為骨冰為魂紛紛初疑月
 掛樹耿耿獨與參橫昏先生索居江海上悄如病
 鶴栖荒園天香國艷肯相顧知我酒熟詩清温蓬
 萊宮中花鳥使綠衣倒掛扶桑暎抱叢窺我方醉
 臥故遣啄木先敲門麻姑遇君急洒掃鳥能歌舞
 花能言酒醒人散山寂寂惟有落藥粘空樽

松風亭下

日涉錄 卷十一
梅花盛開東坡十一月十六日作

二十七日

後漢高祖葬于霄陵

在洛京都城縣出通考

宋真宗方就寢見神人星冠絳衣

朕真宗謂輔臣曰

二十七日夜將半方就寢忽室中光曜見神人星冠絳衣告曰來月三日宜於正殿建黃籙道場降識之後齋戒於朝元殿建道場以佇神貺適皇城司奏左承天門屋南角有黃帛曳鴟尾上帛長二丈許緘物如書卷纏以青縷三道封處有字隱隱蓋神人所謂天降之書也王旦等皆再拜稱賀帝即步至承天門瞻望再拜遣二內臣升屋捧之
旦跪捧而進帝再拜受之帛上有文其書黃字三幅詞內書洪範老子道德經等語出宋史

宋光宗感疾

紹興二年十一月二十七日親郊于園壇為值雨望祭殿行禮風雨大至上震懼始感疾出通考

林獨秀進孝經解賜束帛

宋高宗紹興十一年十一月二十七日

曹彬等擒李煜

昇州行營擒李煜露布曰曹彬等

取孤城姦臣無漏于網中李煜生擒于麾下下千里之氛霾頓息萬家之生聚尋安其在城官吏僧道軍人百姓等以天朝而無不涕洟樂皇花而惟皆鼓舞有舒蘇望天朝而無不涕洟樂皇花而惟皆鼓舞有以見亨是助順海嶽知歸當聖明臨御之期是文軌混同之日卷甲而兵鋒永戢垂衣而帝祚無窮臣等俱乏將材謬司戎律遙稟一人之霄畧幸成九伐之微勞其江南國主李煜并偽署臣僚已下若千人既就生擒合將獻捷出宋文鑑

謝靈運生

靈運為永嘉太守郡有名山水肆意邀

稱為二寶出

事文類聚

張詠定于陳州

詠字復之稟尊嚴之氣疑隱正之

中祥符八年卒宋真宗間計震差追贈尚書左僕

狀出宋

劉玄英化鶴冲天

玄英號海蟾子初名操後得道

擢第一燕王劉守光為相素喜性命之說崇黃者之

教一日忽有道人來謁海蟾乃邀坐堂上道人自

稱正陽子向海蟾演清靜無為之宗金液還丹之

要既竟乃索鷄卵十枚金錢十文以一文置之几

上累十日卯人於榮祿之場復憂患之地其危有甚於

道後丹成尸解有白氣自頂門出化為鶴飛而

此者海蟾因此大悟解印辭朝易服後道有詩云

拋離火宅三千指屏去門兵十萬家紀當時之實

也後丹成尸解有白氣自頂門出化為鶴飛而

冲天其上昇日十一月二十二日也出左編

印肅禪師生太平里初師未生時隣夜有星其室

者祥光燭天遠近相愕已而蓮生道周或現阡陌

政和五年十一月二日也既悟白母黃氏視點紅瑩大似

二十八日

唐太宗誕皇孫宴官寮于弘教閣

貞觀十七年五月

裴度自蔡州入朝度貞元五年擒吳元濟蔡人大

除之於是蔡之遺黎始知有生人之樂十一月二
十八日度自蔡州入朝留副使馬揔為彰義軍初
度入蔡州或諧度沒入元濟婦女珍寶上疑之欲
盡誅元濟舊將封二劍以授梁守謙使往蔡州度
路遇守謙乃復與守謙入蔡州

元人朱震亨生

震亨字彥修號丹谿從許文懿公
講學於東陽八華山中聞天命人

心之秘悅然有悟見有誇多闕靡者輒語之曰聖
賢一言終身行之不盡奚以多為及自為文章以
理為宗居室垣墉敦尚儉朴服御惟大布寬衣僅
取菽體藜藿煨飯安若八珍豪家以水陸之羞交
錯席上者正襟默坐未嘗一下箸惟飲聞人之善隨
聞隨錄生于至元辛巳十一月二十八日卒于至
正戊戌戌年所居日谿學尊之而不取
字故因地稱之日谿先生出宋濂集

勇悟真人上昇

翰墨大全

二十九日

宋真宗詔加嶽后號東嶽淑明后南嶽景明后西

嶽肅明后北嶽清明后中嶽正明后

大中祥符四年宋朝會要

亦出事物紀原

阮田夫李道兒等殞廢帝於後堂

太宗明皇帝諱

榮期文帝第十一子也廢帝景和末上入朝被留
停都廢帝誅害宰輔殺戮大臣恒慮有圖之者疑
畏諸父並拘之收上付廷尉一宿上先與腹心阮
田夫李道兒等密合謀于是廢帝左右常慮禍
及人人有異志惟有將軍宋越譚金童太一等數
人為之腹心故莫敢動是夕越等並外宿田夫道
兒等殞廢帝於後堂十一月二十九日也事定上
未知所為建安王休仁便稱臣奉引升西堂登御

座召見諸大臣于是事起倉卒
上失履跌出宋書明帝本紀

詩

春江綠漲蒲萄醅武昌官柳知誰栽
憶從樊口載春酒步上西山尋野梅
西山一上十五里風駕兩腋飛
崔嵬同遊困臥九曲嶺褰衣獨到吳王臺
中原北望在何許但見落日低黃埃
歸來解劍亭前路蒼崖半入雲
濤堆浪翁醉處今尚在石臼杯飲
無樽壘爾來古意誰復嗣公有妙語留山隈
至今好事除草棘常恐野火燒蒼苔
當時相望不可見

玉堂正對金鑿開豈知白首同夜直
臥看椽燭高花摧江邊曉夢忽驚斷
銅環玉鎖鳴春雷山人悵空猿鶴怨
江湖水生鴻鴈來請公作詩寄父老
往和萬壑松風哀東坡十一月二十九日作

三十日

東漢明帝日食永平十八年十一月甲辰晦日有食之在斗二十一度是時明帝既

崩馬太后制爵祿故陽不勝出通考

漢文帝二年日食詔舉賢良方正能直言極諫者
賴陰侯騎賈山上書言陛下使天下舉賢良方正

之士天下之士莫不精白以承休德乃直與之馳

驅射獵一日再三出臣恐朝廷之廢弛百官之墮

于事也上嘉納其言出山堂肆考亦

潼關是夜暴風山如吼雷河噴石鳴群鳥亂飛潼

關傾側唐懿宗咸通六年出五行志

宋欽宗靖康元年手札趣張叔夜入衛與金兵戰

是日至都帝御南薰門見之軍容甚整入對言賊

鋒方銳願如唐明皇之避祿山暫詣襄陽帝登城

叔夜陳兵玉津園鎧甲光明拜舞城下帝益喜叔夜

字籍仲後與金人大戰帝遣使賞

詩

天工未放三陽生舊得堦前一葉真類事文

日涉編卷之十一終



